

瑩蟾子語錄卷之二

甲六

清庵瑩蟾子語錄卷之二

早六

門弟子定庵趙道可編

道德心要

清庵授道德會元於道可時諸門人同霑法乳得參

言外經旨今將諸子參傳語集成一篇與同志之士相與開發以其心領意會故曰心要

師曰這箇道字不屬有句不屬無句不屬有象不屬無象諸人作麼會定庵曰咄嘿庵喝師曰這箇德字不屬修不屬不修如何即是嘿庵曰為無為定庵舉似師曰諸法眷離却語言三昧把出自己已經來嘿庵書空誠庵拳

師曰第一章末後句云玄之又玄衆妙之門  
切謂三十六部尊經皆從此經出且道此經  
從甚處出離却父母所生口道一句來嘿庵  
作開經勢定庵唱

師曰第二章云有無相生且道不着有無一

甲六

句又作麼生若道得入地獄似箭道不得入  
地獄似箭衆舉似皆未端的誠庵問曰如何  
即是師曰如是如是

師曰第三章結句云爲無爲則無不治既是  
無爲如何說箇爲字在上若有爲却如何說



箇無為在下定庵曰體用兼資唯庵曰即此用離此用

師曰第四章象帝之先一句以口說爛却舌根以眼視突出眼睛含光嘿嘿正好喫棒諸人作麼會李監齋舉似實庵打圓相

師曰第五章天地之間其猶橐籥乎師頌曰無底謂之橐三孔謂之籥中間一竅子無人摸得着為君吹出無聲樂且道如何是一竅嘿庵曰照顧鼻孔實庵曰吽且道如何是無聲樂師代云碧落空歌

師曰第六章玄牝之門師曰出息不涉萬緣  
入息不居陰界不出不入作麼會嘿庵曰寂  
然不動師自曰萬籟俱澄

師曰第七章非以其無私耶故能成其私是  
謂修行人只爲自己屬私普度一切屬情不

甲六

屬私情一句作麼道定庵曰先入後已

師曰第八章上善若水師曰放下這點子黃  
河幾度清且道這點子放在甚處定庵嘿庵  
一般舉似

師曰第九章功成名遂身退天之道且道退



向甚處去定庵曰虛空一喝無蹤跡嘿庵曰  
無處去師曰都未是或曰如何是師曰兩脚  
橐駝藏北斗

師曰第十章載營魄師曰魄好馳騁好運動  
好剛勇以何法度治之有心治則屬情無心  
又治不得作麼治嘿庵彈指一下

師曰第十一章三十輻共一轂當其無有車  
之用且道輻不轉轂時車在甚處嘿庵曰轉  
轆轤定庵推車勢

師曰第十二章五色令人目盲師曰離色離

相瞎却眼睛諸人作麼會嘿庵曰見如不見  
師曰第十三章貴大患若身師曰有身則有  
患無身何以見道畢竟如何即是定庵曰放  
下着嘿庵曰養其無象

師曰第十四章視之不見師曰無縫罅諸人

甲六

三

作麼會實庵曰渾如雞子師曰未是或曰師  
如何道師曰對面不相識

師曰第十五章微妙玄通深不可測師曰水  
將杖探人將語探道將甚麼探定庵嘿庵皆  
舉拳師曰一狀領過



師曰第十六章致虛極守靜篤萬物並作吾以觀其復切謂復見天心且道天心在甚處又曰不可動動着二十棒定庵奪棒

師曰第十七章太上之有知師曰不屬有相不屬無相要見自己太上諸子無對師曰只今見在說法

師曰第十八章智慧出有大偽師曰聰明迷大本智慧喪天真諸人作麼會止庵曰無爲損庵曰智不如愚

師曰第十九章絕聖棄智諸人作麼會定庵



曰忘其所自

師曰第二十章絕學無憂師曰諸人喚甚麼  
做絕學嘿庵曰繫風捕影師曰學不學覆衆  
人之所過

師曰第二十一章師曰有物有象有情果有  
乎若謂有來且參學眼若謂無來去參學眼  
畢竟作麼道嘿庵曰有無俱不涉唯有一真  
實相損庵打圓相

師曰第二十二章曲則全枉則直師曰木不  
材者壽鴈不材者烹如何即是諸人皆不答

師曰材不材各順時

師曰第二十三章希言自然師曰嘿嘿無言  
落第二機如何是第一機諸人答皆不中節  
師曰開口不在舌上

師曰第二十四章跋者不立跨者不行諸人

甲六

作麼會定庵曰舉步不在腳跟上

四

師曰第二十五章有物混成師曰有箇甚物  
定庵舉似又曰域中有四大還更有大底麼  
嘿庵唱

師曰第二十六章輕則失臣躁則失君師曰



不輕不躁又作麼生定庵曰道泰時清嘿庵  
曰成性存存

師曰第二十七章善行無轍迹諸人會麼嘿  
庵曰大力量人擡脚不起

師曰第二十八章師曰守黑守雌守辱是用  
也無極太朴嬰兒是體也朴散爲器諸人作  
麼會定庵曰生生化化

師曰第二十九章將欲取天下爲之者吾見  
其不得已師曰予謂錯且過在甚處定庵曰  
在爲處

師曰第三十章以道佐人主者不以兵強天下師曰設有寇至作麼敵嘿庵曰以德化之師曰不若以慈衛之

師曰第三十一章佳兵不祥之器師曰不用兵無以禦敵用兵則非道作麼是定庵曰逆

早六

五

行順化

師曰第三十二章道常無為朴雖小天下不敢臣師曰朴雖小一句作麼會定庵曰芥納須彌嘿庵曰卑而不可踰

師曰第三十三章死而不亡者壽師曰不亡



底是甚麼嘿庵曰無中有密庵曰虛靈不昧  
師曰第三十四章聖人不自大故能成其大  
師曰如何是不自大嘿庵曰勃勃從珠口入  
師曰上善若水

師曰第三十五章執大象師曰若云有象便  
不大若云無象如何執嘿庵曰黍珠中世界  
師曰似不肖故大

師曰第三十六章將欲歛之必固張之師曰  
睫上眉毛早錯過且道錯向甚處去定庵曰  
當處嘿庵曰鷓過新羅實庵曰不得亂走師

曰一狀領過

師曰第三十七章道常無爲而無不爲師曰  
予頌云有作皆爲幻無爲又落空兩途俱不  
涉請頌一句嘿庵曰對面不相逢止庵一定  
守其中密庵曰自有大神通師曰當處闡宗

風

師曰第三十八章上德不德是以有德師曰  
喚甚麼做德嘿庵曰不自有其有師曰不自  
矜

師曰第三十九章昔之得一者天得一以清



師曰且道得一安在甚處嘿庵曰安在無為處師曰無用處更好

師曰第四十章末後一句云天下萬物生於有有生於無師曰無有之外更有甚麼嘿庵曰有這箇舉似

甲六

六

師曰第四十一章下士聞道大笑之師曰笑箇甚麼嘿庵舉云笑這箇密庵曰笑箇無為師曰第四十二章或損之而益或益之而損師曰不損不益時如何嘿庵曰無欠無餘師曰剔渾淪

師曰第四十三章天下之至柔馳騁天下之  
至剛師曰觸來勿與競事過心清涼如何是  
清涼境嘿庵曰無執惱師曰無無明

師曰第四十四章名與身孰親財與貨孰多  
川老云若能運出家中寶啼鳥山花一樣新  
如何是家中寶嘿庵曰哩哩囉定庵喝師曰  
一曰慈

師曰第四十五章師曰上章知足不辱知止  
不殆謂常足也此章云大成若缺大盈若沖  
不足也足底是不足底是損庵止庵曰滿招



損謙受益師曰德有餘而為不足者壽財有餘而為不足者鄙故云

師曰第四十六章罪莫大於可欲師曰不見可欲使心不亂急走回來救得一半且道那一半如何定庵曰不離當處

早六

師曰第四十七章末後句云不見而名無為而成師曰名箇甚成箇甚定庵嘿庵皆曰成德名道

七

師曰第四十八章為學日益為道日損師曰益人甚損人甚定庵曰損己益人嘿庵曰損

情益性

師曰第四十九章

師曰第五十章生之徒十有三死之徒十有三師曰涅槃心易曉差別智難明如何差別智衆無答師曰仁者謂仁智者智師曰如何涅槃心衆無答師曰前無往古後無只今

師曰第五十一章道生之德畜之師曰生箇甚畜箇甚實庵曰生之畜之只是這箇師曰較些子

師曰第五十二章天下有始以爲天下母首



章云有名萬物之母名喚甚麼諸人答不中誠庵問曰喚做甚麼名師喚誠庵誠庵應諾師曰安名了也

師曰第五十三章使我介然有所知行於大道惟施是畏師曰畏箇甚嘿庵曰畏天命

師曰第五十四章以國觀國師曰觀國非容易觀身意更深海枯終見底人死不知心還有知心底麼諸人答不應機誠庵問師還有知心底麼師應之曰問者是誰

師曰第五十五章含德之厚比於赤子師曰

即孟子謂大人者不失赤子之心意且道赤子之心是已發嘿庵曰純一定庵曰寂然不動師曰未盡在殊不知返者道之用也

師曰第五十六章知者不言言者不知師曰言底是不言是諸人答不切師曰父母所生口終不爲君通

早六

八

師曰第五十七章以正治國以奇用兵以無事取天下師曰取天下安得無事無事何以取天下衆無對師曰導之以德

師曰第五十八章師曰末後一句光而不耀



作麼會衆無語師曰被褐懷玉

師曰第五十九章治人事天莫若嗇作麼會止庵曰儉師曰從儉

師曰第六十章以道莅天下其鬼不神如何說嘿庵曰無以施其能定庵曰邪不干正

師曰第六十一章大國者下流師曰等閑伸出無爲手不動干戈定太平喚甚麼做無爲手嘿庵曰掀翻三教誠庵曰打破虛空

師曰第六十二章章有罪以免耶師曰過在甚處定庵曰覓過了不可得師擲經云休翻疑

師曰第六十三章圖難於其易師曰說易非  
容易言難未是難箇中竒特處請續一句嘿  
庵云元只在中間實庵云元不離玄關師曰  
北斗面南看

師曰第六十四章其安易持師曰諸人作麼

早六

九

會嘿庵防微杜漸

師曰第六十五章古之善為道者非以明民  
將以愚之師曰一切有為法三千六百門從  
頭都勘破總是弄精魂惟予獨抱無名朴無  
限羣魔倒赤幡諸人會麼定庵曰認着一物



即不中嘿庵擲經

師曰第六十六章江海所以能為百谷王者以其善下之師曰且道江海下百谷耶百谷下江海耶嘿庵曰聚散皆歸一定庵曰上遜下順師曰下下下

師曰第六十七章捨其慈且勇捨其儉且廣捨其後且先死矣師曰莫飲無明水且道喚作麼做無明水定庵曰陸地平沈嘿庵曰無風浪起

師曰第六十八章善為士者不武師曰不文

不武無得無失摸着鼻孔通身汗出且道父母未生前鼻孔在甚處定庵曰出息入息處嘿庵曰在闔闢處實庵曰只在眉毛下

師曰第六十九章用兵有言吾不敢為主而為客且道主客如何分諸人無答師曰你是何人我是誰又曰兩眼對兩眼

師曰第七十章吾道甚易知甚易行如何又道莫能知莫能行若向這裏下得一轉語參學事畢其或未然參定庵曰百姓日用而不知嘿庵曰只在目前人不識師曰只為大分



明

師曰第七十一章知不知上不知知病此病  
作麼治嘿庵曰寸心不昧其諸子皆不的當  
師曰吾將鎮之以無名之朴又曰不然則渾  
淪吞箇熟鐵丸又曰下士須是喫服藥過瀉  
去惡知識矣

單上

十

師曰第七十二章民不畏威則大威至如何  
是大威嘿庵曰生死事大師曰無常迅速

師曰第七十三章勇於敢則殺勇於不敢則  
活師曰如何是殺活機衆無答師曰如王秉

劔

師曰第七十四章代大匠斲希有不傷其手者師曰作麼會定庵曰不是當行家

師曰第七十五章末後句云夫惟無以生為者是賢於貴生師曰諸人作麼會定庵曰以其無死地

師曰第七十六章民之生也柔弱其死也堅強作麼會定庵曰柔弱生之徒

師曰第七十七章天之道損有餘而補不足人之道損不足以奉有餘師曰且道不損不



益時如何衆無對師曰也不剩兮也不少信  
手拈來便恰好

師曰第七十八章受國之不祥能爲天下王

師曰作麼會諸人無答師曰無忌諱

師曰第七十九章和大怨必有餘怨安可以

早六

十一

爲善如何說惟安曰克己爲善定庵曰克己

復禮嘿庵曰慈忍爲善師曰一狀領過或曰

師作麼道師曰恩怨兩忘

師曰第八十章末後句云民至老死不相往

來如何說嘿庵曰安其家定庵曰無爭師曰

內境不出外境不入

師曰第八十一章聖人之道爲而不爭師曰  
作麼是不爭衆答不應機師曰放倒門刹竿  
着師又曰各人要一聯句體道德二字嘿庵  
曰道藏諸用德顯諸仁定庵曰道不在修德  
不在求唯庵曰道不無中無德不有中實  
庵曰道可道非道德上德不德師曰道寂然  
不動德感而遂通又云道清靜光明德謙柔  
巽順師曰各人要一聯證無爲道德二字衆  
無答師曰道擎拳德稽首師指燭云各人作



聯要見此燭體用嘿庵曰體塞破虛空用照  
破黑暗實庵曰體圓陀陀用光爍爍師曰體  
如如不動用爍爍圓明又曰體撐天拄地用  
照天爍地師曰各人要無說一聯要見燭體  
用諸人無答師舉似衆有省

年六

十二

清庵瑩蟾子語錄卷之二



